

7
DISPUTATIO INAUGURALIS
DE
HÆMORRHOIDIBUS,
EARUNDEMQUE NIMIO
FLUXU.

Quam

DEO OPTIMO MAXIMO
bene fortunante,

Ex decreto & autoritate


NOBILISSIMI, AMPLISSIMI ET
Gratiosissimi Collegij Medicorum
Academiae Argentoratensis,

PRO SUMMIS IN ARTE MEDICA
*Honoribus atque Privilegijs Doctoralibus
impetrandis*

Publice & solenniter examinandam
proponit

M. ANDREAS Schilling / ARGENTO-
RATENSIS.

Die 26. 7. Mensis Februarij,
horis & loco solitis.



ARGENTORATI,
Typis EBERHARDI WELPERI.

M. DC. LII.

VIRIS
GENERO SO,
MAGNIFICIS, NOBILISSIMIS, CONSULTISSIMIS,
AMPLISSIMIS PRUDENTISSIMIS.

DN. PHILIPPO JACOBO WORMSEN/
Inclutæ hujus Reip. Argent. Prætori, & Quindecim-
viro, Domino suo Gratiofo:

DN. JOACHIMO BRACKENHOFFERO,
dictæ Reip. Consuli gravissimo, Patriæ Patri, Domino
suo observanter colendo:

DN. HENRICO Haafen / Ejusdem Reip. Tre-
decimviro Domino suo veuerando:

DN. JOHANNI CASPARO Pfizern/

DN. ALBERTO Wesnern/
Reip. Argent. Quindecimviris dignissimis, Dominis
suis honorandis:

DN. DANIELI IMLIN, Reip. Argent. Ad-
vocato & Consiliario, Excellentissimo, Domino suo
æternum reverendo:

ut &

VIRIS

PLURIMUM REVERENDIS, CLARISSIMIS,

DN. M. MARTINO GROSTO, Summi Templi hujus Ci-
vitatis Pastori vigilantissimo, Cognato, Fautori suo multis no-
minibus Colendo:

DN. M. JOHANNI GEORGIO Freyen/ Pagi Dorles-
heim Pastori fidelissimo, Cognato suo amando:

Ultimum hocce Exercitium Academicum

Debitæ reverentiæ *Τεκμήριον*

grati animi *σύμβολον*

D. O. C.

M. ANDREAS Schilling.

DISPUTATIONIS
DE
HÆMORRHOIDIBUS,
EARUNDEMQVE NIMIO FLUXU.

THESIS I.

Nter Symptomata Ani, haud postre-
mum obtinent locum, HÆMORRHOIDES.
Frequenter enim in praxi occurrunt, adeoque non
nunquam enormes sunt & impetuosæ, ut agrè ad-
modum sisti queant, & propterea laborantem non
raro ob spirituum dissipationem, caloris diminutionem, ac sangui-
nis, qui commune est totius corporis pabulum atque alimentum, ef-
fluxum, in vitæ discrimen adducunt. Quapropter cum mihi à Nobi-
lissimo & Amplissimo collegio Medico, injunctū fuerat, ut materiam
pro Inaugurali Disputatione mihi pertractandam eligerem, elegi
hanc ipsam materiam, totamque tractationem dispeſcam in duas
potissimum partes, Ονομασολογίαν & πραγμασολογίαν. Ac in illa
quidem Etymologia, Synonymia, Homonymia & Amphibo-
lia. In hac Definitio, Genus, Pars affecta, Differentiæ, Causæ,
Signa, τὸν διαγνωσικὰ, τὸν προγνωσικὰ declarentur, tandemque
curandi ratio proponatur.

H. Etymologiam, siue ipsius nominis rationem quod con-
cernit, vocatur Græcis αἱμορροΐς, ἀπὸ τοῦ αἷμα δι' αὐτῆς πεῖν. h. e.
quod sanguis per eam (loquitur enim hic author. def. med. in
singulari) fluat. Latinis sanguinis fluxus sonat, ab effectu.

III. Hanc excipit Synonymia; Veteribus appellantur venæ
sedales.

sedales. venæ Hemorrhoidales Herc. Sax. pr. 1. 3. cap. 34. *item mariscæ*, Vid. vid. de curat. membr. lib. 9. cap. 28. Gal-
lis, *Flux de sang; Caquesangue*. Italis *Il male chimato morice*,
Germanis *der blutfluß* / so da fompf auß den Adren hinten
am Affter / oder die Gulden-Ader / à commodo, quod valetu-
dini præstant, uti Divus senex Hippocrates hinc inde in suis
aphorismis, in primis sect. 6. aph. 11. & 21. testatur, quoties nature
beneficio tempestivè aperta, aut qualitate noxium humorem, aut
quantitate gravantem, deponunt, quod enim utile est, id illi aureum
subinde vocare solent, attestante Reiner. Solen. conf. 20. sect. 4.
cum autem adhuc occlusæ sunt, tumentur, & dolores excitare labo-
rantibus solent, sive intus in podice sint, sive foris promineant, à no-
stratibus vocantur, die Feigwarhen.

IV. Synonymiam ordine insequitur ipsa Homonymia, su-
mitur enim vocabulum, αἱμορροΐς, in Generali, speciali, & specialissi-
ma significatone. In Generali quidem, pro omni sanguinis ex qua-
cunque parte effusione, & fluxu, accipitur, hac ratione idem sonat ac
vocabulū αἱμορροαΐας, sicut videre est apud Celsum l. 2. c. 8. quan-
do parte Hipp. locum 2. Prorrh. explicat. Deinde sumitur specia-
liter, saltem de eo sanguine qui è venis ani & uteri fluit, ut ex eodem
Celso, l. 6. c. 18. colligitur. Verum usus penes quem & jus est, & lex,
& norma loquendi (ut verbis Horatij utar) obtinuit, ut specialissi-
me pro eo sanguinis fluxu, qui fit è venis Ani, accipiatur; nec solum
de sanguinis fluxu ex hisce venis, verum etiam de ijs ipsis venis vo-
cabulum haimorrhoidum usurpatur, uti ex Anatomicis scriptoribus
constat.

V. Denique Amphiboliam quod attinet, sumitur vocabu-
lum αἱμορροΐς, pro certo Anguium genere, de quo Gal. l. de Theria.
ad Pis. c. 8. verba facit, quod qui demorsi ab his fuerint, sanguine per
os, nares, & universum corpus, erumpente, moriuntur. Sicuti illi,
qui à Dipsade percussi, sitis incendio misere pereunt: nam supra
modum sitientes, & vehementer æstuentes, atque nonnunquam fa-
tiscentes, intereunt. Et Paulus Aegineta de art. med. l. 5. c. 16.
inquit,

inquit, ab Haimorrhoi morsu graves statim dolorum vexationes insurgunt, & ex earum continuitate breves omnino & angustas varietates præbent, multus etiam sanguis è morsu erumpit; & si cicatrix quæ in toto corpore inducta fuerit rumpatur, & sanguine defluat, cruenta egeruntur excrementa, interque mejendum pro urina in exigua frustra quasique minimos globulos densatus redditur sanguis. Extussiunt porrò è pulmone, cruenta, denique evomentes tanquam deplorati pereunt, hæc ille. Verum nomen traxit hoc anguium genus ab effectu teste Avicen. l. 4. fen. 6. tr. 3. c. 7. & Aet. tetrah. l. 13. c. 23.

VI. Absoluta Ονομασολογία, ad πραγμασολογίαν deveniendum erit, in qua considerata venit ipsa DEFINITIO, quæ ab Autoribus, variè proponi solet. Nicol. Pis. l. 3. c. 17. ita definit: Haimorrhoids est tumoris genus, quod intra sedem nascitur, cum ora venarum intra Anum tanquam ex quibusdam capitulis tument & sæpe sanguinem fundunt. Guiliel. Rondelet. l. 3. c. 27. hanc proponit: Haimorrhoides nihil aliud sunt quam venæ dilatata, aut factæ varicosæ. Sed nos, (salvo tamen aliorum iudicio) talem damus. Haimorrhoids est sanguinis profluvium confertim è venis Ani criticè vel symptomaticè factum. Licet Author Def. med. existimet haimorrhagiam ab Haimorrhoidibus differre in eo, quod non ita confertim fiat fluxus Haimorrhoidalis, quemadmodum in αιμορρῳγία, fieri solet, verum praxis quotidiana, nos longe aliter docet.

VII. Ex Definitionibus modo allatis constat & esse symptoma, & esse morbum; Symptoma quidem, in genere immodice excretorum. Sequitur autem vel symptoma aliud, nempe retentricis facultatis imbecillitatem, aut expultricis lacesita indignationem; vel solutam in morbis continuitatem. Morbum vero esse dicimus, in instrumento, cavitate sc. dilatata, talis enim fluxus fieri non posset, nisi ipsarum venarum oscula aperta atque dilatata essent, inquit Alex. Massar. l. 3. c. 24.

VIII. Hic autem queri solet, qualis nam sit excretio ista? Et plerique omnes respondent, excretionem toto genere præter naturam. Galenus enim l. de vivor. anat. c. 1. & l. de cur. per S. M. c. 5.

comm. 3. aph. 64. & l. 6. de loc. aff. c. 4. scribit, sanguinem esse vitæ thesaurum, naturæ dilectum filium, commune corporis nostri pabulum, fomentum nativi caloris, succumque nobis valde amicum, imò eorum omnium quæ in corpore nostro sunt, maxime nobis familiarem. Ideoque illum sibi reservare quam maxime studet. Quod si erumpat, non immerito evacuationem toto genere præter naturam esse credendum: quoniam id excernitur, quod est naturalissimum, quodque in corpore manere debet.

IX. Verum nos distinctè respondendum esse arbitramur, inter fluxum symptomaticum & criticum. Symptomaticum fluxum sanguinis, excretionem præter naturam esse putamus, & ratione temporis, si fiat statim in principio acutorum morborum, & ratione materiae effluentis: Criticum vero, nequaquam talem excretionem statuimus: Quoniam fieri solet ex propria naturæ intentione, conantis se liberare ab eo onere, quo veluti gravi sarcina premebatur. At quod studio & opera Naturæ fit, quomodo toto genere præter naturam dici potest? Sive ergo sanguinis abundantia in sanis, sive superflua ac vitiosa in agris Naturæ instinctu excernatur, talis sanè excretio naturalis & critica, neutiquam toto genere præter naturam vocari meretur.

X. Sed si symptomaticè statim in principio morborum, nullis prægressis signis concoctionis, nullo cum levamine decumbentis, neque in die aliquo decretorio, sanguis evacuetur, haud immerito evacuatio toto genere præter naturam censetur: præsertim cum non sanguis, sed humor alius ægritudini occasionem & ansam præbuit. Excernitur enim, quod causa morbi non est, quodque manere in corpore debet.

XI. Obijcies ulterius, sanguinem naturalissimum quid esse. Qui E. illius excretio, non possit toto genere præter naturam nominari? Respondemus Naturalissimum quid esse & Naturæ familiarissimum, si neque in quantitate, neque in qualitate peccet. At si nimius sit in quantitate, aut in qualitate vitiosus, tantum abesse, ut Naturæ familiarissimus sit, ut etiam eidem plane adversetur.

Nimius

Nimius enim de quo nobis sermo est, suffocationem nativi caloris, Tabem, Cachexiam, Hydropem aliosque periculosos ac lethales affectus minatur; uti Galenus & Hippocrates multis in locis docent. Si enim naturalis sit hic fluxus secundum Galenum l. 6. epid. comm. 3. text. 25. tres hasce potissimum condiciones habeat necessum est. I. Quantitatem proportionatam, ita ut eo fluente, ager sentiat, se levio rem factum, & liberetur à morbis, quibus tenetur, nullamque persentiat imbecillitatem. II. Debet habere qualitatem debitam, ut sit sanguis niger, crassus, terreus, nam à natura ideo hæ vena facta sunt, ut sanguis melancholicus per eas expurgetur. III. Debet correspondere tempori determinato. quæ requisita in nostro affectu non inveniuntur.

XII. PARS AFFECTA est Anus, vel potius vena, quatenus per illas fluxus sit sanguineus, uti Ferdin. Epiphan. hist. med. 16. testatur. Afficiuntur autem hæ venæ, vel per Consensum, vel per Essentiam. Per Essentiam, quando aperiuntur, rumpuntur, vulnerantur, eroduntur, contanduntur, aut ita rarefiunt, ut tenuior sanguis per illas quasi transcolari, & veluti sudor transmitti possit. Per Consensum, Cum sc. partes aliæ v. g. Lien faculentum sanguinem, vel Hepar calidum, acrem atque mordacem, in has venas se exonerant.

XIII. At, de exortu harum venarum lis est atque contentio inter Anatomicos, pariter ac Medicos, utrum sc. hæ à vena Cava, an verò à vena Porta ducant originem. Illi, qui à vena Cava provenire contendunt, ex Gal. l. 2. de Art. Cur. ad Glaucum c. 10. & l. 2. de nat. facult. c. ultim. Colligunt, Addunt insuper, homines liberari ex hoc fluxu dolore capitis. Cuius rei exemplum profert, Hercules Saxonia. Apoptexia. Hippocrates, Epilepsia Hieronimus Mercurialis. & alijs quam plurimis affectibus, quod neutriquam foret, nisi hæ venæ, à vena cava ducerent originem. Hi, qui à vena porta derivare fatentur, asserunt spleneticos esse huic morbo obnoxios, ob venæ portæ ramum, quia lienibus magnis & duris, si super veniat valde confert, quia melancholicis & Nephriticis profunt, teste Hippoc. l. 6. aph. 11. 21.

XIV. Attamen existimamus aliquos ramos à Porta, nonnullos vero à vena Cava, ortum ducere. A Cava namque proveniunt rami quidam ad finem intestini recti, musculique sphincteris dicti, terminantes, in quo quandoque; quatuor, tres, duo, & unus, observatur, quæ venæ dicuntur Hemorrhoidales externæ; Paulo inferius sunt alia venæ, provenientes à vena Porta, quæ dicuntur internæ; Illæ Plethoræ vacuatrices: Hæ Cacoehymia depletrices, vocantur, de quare tamen plura videri possunt apud Anatomicos.

XV. DIFFERENTIAE petuntur à varijs rebus, vel à forma, vel à situ, causis, modo generationis, quantitate, duratione, & quæ sunt hujus generis aliæ.

XVI. Ratione formæ, alius est Criticus, quando natura die Critico, prægressis signis πεπασµε illum excernit, fitque cum ἐνφρογία ipsius laborantis, sicut aliàs per nares, in utroque sexu, aut per venas uterinas, in mulierib. natura eycere solet. Alius Symptomaticus, qui vi morbi, seu causæ morbificæ, Naturam copia gravantis, aut qualitate morbosa stimulantis, & irritantis, in principio statim morbi, nulla cum decumbentis alleviatione, sed potius cum dispendio virium accidit, qui sane fluxus toto genere præternaturam dicitur.

XVII. Ratione situs aliæ sunt internæ, quæ è ramo splenico vena portæ oriuntur, & per mesenterium circa colon & intestinum rectum extensa, terminantur in musculus ani, & intestino interiori: Aliæ externæ, quæ è ramo venæ cavæ Epigastrico oriuntur, & in externas intestini recti partes, ani musculos sc. disseminantur, hinc inquit Clarissimus Sennertus l. 3. Pr. p. 2. sect. 2. c. 13. pag. 417. Quæ à Porta orta, solum intestinum rectum nutriunt; quæ vero à Cava proveniunt, musculos.

XVIII. Sunt præterea aliæ apertæ, quæ sanguinem fundunt copiosissimum test. Paulo l. 3. c. 59. & Aet. l. 14. c. 5. aliæ, Cæcæ (vel potius ut Platerus Tom. 2. pr. c. 15. clausas & dolentes rectius dici existimat) dicuntur tumentes, quæ tantum tument & nihil excernunt. Reiner. Solen. f. 4. conf. 20. Hæ valde dolent, inprimis cum excrementa excernuntur, imo interdum à dolore & sanguine affluen-

affluente, neque exitum inveniēte, inflammatio excitatur: ait Herc. Saxon. l. 3. c. 35. & Alex. Massar. l. 8. c. 24.

XIX. Ratione causarum, alius proficiscitur à causis internis, alius, ab externis, quas jamjam enumerabimus.

XX. Ratione modi generationis, alius insequitur symptoma aliquod v. g. infirmitatem naturæ & facultatis retentivæ, non potentis orificia vasorum claudere, & sanguinem in illis detinere, alius morbo succedit, E. gr. alicui continui solutionis speciei.

XXI. Ratione quantitatis effluentis sanguinis, vel enormis est valdeque impetuosus, ita quidem uti ex observationum scriptoribus liquet, ut singulis diebus duæ libræ sanguinis aliquibus effluerint, vel minus talis & remissior.

XXII. Ratione durationis, alius durat diu atque continue v. g. ad dies 6, 7, 9. imò ut ex Observ. 160. Schenckij videre est ad 45. dies; alius brevi cessat, sed per intervalla revertitur. Hinc quidam dicitur periodicus, qui certis quibusdam temporibus redit, v. g. singulis mensibus de quibus Ant. Cimar. comm. ad c. 10. lib. de sem. Arist. & Andr. Vesal. hist. natur. Anatom. l. 5. c. 15. habent historias: aliis semestribus singulis, alijs singulis annis, in primis autumno attestante Epiphan. Ferdin. hist. med. 16. hoc enim tempore melancholia maxime dominatur in corpore juxta Hipp. Aph. 22. sect. 2. alijs quartenis, & septenis, quibusdam citius, quibusdam tardius evenire confirmat Reiner. Solen. l. cit. & Guilielm. Rondel. l. 3. c. 23.

XXIII. Præter dictas differentias, Galenus lib. de fin. med. quinque adhuc proponit sc. à magnitudine, numero, figura, loco & constitutione, desumptas.

XXIV. 1. Ratione magnitudinis, alie sunt magnæ, alie parvæ, alie mediocres.

2. Ratione numeri aliquando sunt plures, ut thes. 14. dictum aliquando pauciores.

3. Ratione figuræ sunt variæ. Arabes quatuor agnoscunt ut ex Avicen. l. 3. fen. 17. c. 2. patet. Alie VERRUGALES, quæ
B longa

longa sunt, & Verrucis simillima, hæ ab humore melancholico maxime constantur: alia V V A L E S, hæ sunt rotunda, lata & formam grani uva habentes, quæ à mista materia sanguine sc. & succo melancholico dependent; alia M O R A L E S, à forma mori fructus, quam representant, dicuntur; atque hæ à sanguine bilioso, & tenuiori generantur: alia V E S I C A L E S appellantur, quia vesicis piscium ventrum assimulantur, & ab humore pituitoso originem trahunt.

4. Ratione loci alia sunt in ano, alia extra anum, de quibus tamen thes. 17. dictum.

5. Ratione constitutionis, alia sunt mites, alia malignæ, Cancrofa, & gangranosa.

XXV. Denique alius est Hereditarius ita quidem ut hic fluxus, à parentibus in filios fuerit derivatus, cujus rei exempla multa hinc inde apud observ. script. extant vid. Schenck. lib. 3. obs. 156. Rein. Solen. d. 1. alius demum nobis in lucem editis supervenit, ut apud Petr. Forest. lib. 23. de Aff. Ani obs. 3. videre est, qui fluxus si sanis contingat, morbosus nulla ratione est censendus, quoniam laudabile naturæ bene operantis opus est, quemadmodum thes. 9. diximus.

XXVI. C A V S A S Hemorrhoidum quod attinet, sunt illæ vel Externæ, vel internæ.

XXVII. Externæ, sunt Caliditas aeris ambientis teste Lazar. River. obs. 5. Anni tempus. Hipp. l. 3. Aph. 22. Regiones imprimis meridionales magis enim his sunt familiares, septentrionalibus, quod illarum incolæ, sanguinem calidiorem, magisque adustum, harum, frigidiorum habeant. Sen. l. 3. Pr. pag. 2. l. 2. cap. 13. item etiam à nimio frigore, austris vel aquilonibus perseverantibus excitare possunt. Petr. Forest. l. 23. obs. 4. Schol. diuturnior mora sub sole, & ambulatio frequens, Ioh. Hier. Pulv. pr. c. 61. Cibi calidi acres atque mordaces, quales sunt, aromatibus valde conditi, aut sale multo imbuti: adhuc synapi, raphanus esculentus & rusticanus, allium, caps, porrum, Hier. Mercnr. Conf. Tom. 3. conf. 121.

Vina generosa & potentia, idem Exercitia corporis valida, Hier. pulv. d. l. Iracundia & excandescencia Hier. Mercur. lib. 3. prax. c. 24. Talia siquidem sanguinem inflammant, & attenuant, vasaq; aperiunt, idem quoque facit mæror atque tristitia. Epiph. Ferd. l. cit. idem quoque à nimis curis, quale exemplum profert. Hieron. Mercur. Conf. Tom. 4. conf. 1. & hæc de necessario nos alterantibus.

XXVIII. *Non necessario nos alterantes quod spectat causas, sunt illa varia ac multiplices, ex medicaminum genere, sunt omnia acria atque mordacia v. g. glandes sale exasperante nitrove injectæ, suppositoria crassa Ioh. Forest. attestante l. c. Clysteres quoque acuti, nec non medicamenta aloë preparata. Reiner. Solen. loc. cit. sunt præterea contusiones, unctiones, equitationes conatus maximi in excernendis facibus vel etiam partus exclusione, sessiones super rem duram, frictiones duriores, & quæ sunt hujus generis alia.*

XXIX. *Internæ sunt Αvasόμωσις, orificiorum vasorum deductio sive apertio, διαίρεσις illorum divisio, disruptio, διαπύδνωσις tunicarum quæ in vasis sunt rarefactio, has causas omnis sanguinis fluxus esse scribit Gal. l. 5. m. m. c. 3. & l. de sympt. diff. c. ult. & l. 3. de caus. sympt. & diff. c. 2. quare & hoc sanguinis profluvium tribus his modis fieri potest, etiam si non omnes æque frequentes sint.*

XXX. *Rarius namque per διαπύδνωσιν, & non nisi quando sanguis aquosus est, transfluit: tum etiam paucus est, & quocunque tempore sedentibus, stantibus, euntibus, anum ichore quodam humectat, & hic sanguis vel provenit à ramo vena cava, vel vena porta, causa est maligna aliqua qualitas, quæ vasa exedit, atque rarefacit, Gal. l. 5. m. m. c. 2.*

XXXI. *Frequentius per διαίρεσιν, venarum divisionem, non quod ipsis in locis vulnerari facile queant, sed quod ob causas non necessario nos alterantes eveniat. v. g. Vociferatione ingenti, equitatione frequenti, violenta spiritus cohibitione, contusione, &c.*

XXXII. *Per Αvasόμωσιν autem, quando extrema illarum*

orificia aperiuntur, quod accidere solet, vel à nimia sanguinis copia, quando is sua mole premit, ita ut tandem vasa rumpi necessum habeant. Rein. Sol. d. l. Hippocr. sect. 6. aph. 11. vel ab ejusdem fervore & acrimonia, vel à tenuitate & aquositate, vel à retentricis infirmitate, non potentis vasa claudere, quo fit ut reaseratis eorum osculis, sanguis copiosissime effluat, vel à robore expultricis, gravata à sanguinis melancholici, aut pituitosi humoris copia, aut lacesita ab ejus prava qualitate. Sic enim duabus causis concurrentibus fluxus fit concitator, atque immoderatio. Galen. lib. de sympt. differ. cap. 6.

XXXIII. Et hæc de causis in genere dicta sufficiant, in specie autem si nimium fiat hic fluxus, & quantitate aucta peccet, causa est, vel in ipsa vena, ubi ea nimium relaxata, & ampla est, vel orificium ejus nimium aperitur, & reaseratur, ita ut sanguis à facultate retineri nequeat, sed eam necessario fluere permittat: vel in materia, si tenuis sit, & fluidus, copiosus, & cum impetu ad venas Hemorrhoidales ruat: vel acris simul sit, aut medicamentum aliquod acre aut vehemens assumptum, facultatem plus debito stimulet, atque irritet: Vel denique in facultate, cum retentrix sit debilis, quæ sanguinem, vel humores alios à reliqui corporis & venarum expultrice robusta ad venas hemorrhoidales propulsos, retinere non potest, vel expultrix fortis, & stimulata, copiosius & simul etiam laudabilem & bonum sanguinem excernente.

XXXIV. SIGNA DIAGNOSTICA quod attinet oculis patent, ideoque non opus esse videtur de illis verba facere, interim tamen ipsius opus est ut sciatur unde fluxus hic fiat, & per quem modum, denique quæ illius causa existat.

XXXV. Unde provenit an sc. à vena cava, an vero à vena porta, discernendum. Si à vena porta fluxus hic oriatur, color sanguinis effluxi erit nigricans, neque erit purus, sed alijs humoribus permistus, quoniam hæc dicuntur cacochymie deplettrices: si à vena cava, sanguis erit rubicundus.

XXXVI. Per quem autem fluat modum, utrum nimirum
per

per ἀνασώμωσιν, an per διαίρεσιν, an vero per διαπρήδισιν, deprehendetur vel ex qualitate vel quantitate ipsius sanguinis. Si enim sanguis ratione qualitatis est aquosus & tenuis, ratione quantitatis paucus, fit per modum διαπρήδισως, si per ἀνασώμωσιν, sanguis erit paulo crassior, & in majori quantitate defluit; Si per διαίρεσιν, sanguis subito & derepente, in majori quantitate, quam in ἀνασώμωσει egreditur.

XXXVII. Causa vero ἀνασώμωσως, si sit sanguinis copia atque abundantia, nobis innotescit, ex ijs signis, quæ Plethoram patefaciunt. v. g. ex venarum tumore, rubore faciei, tensione venarum, habitu corporis εὐσάρκω, ijs denique causis quæ Plethoram producere solent, e. g. Consuetudo alicujus vacationis intermissio, victus liberalior, vita otiosa atque sellularia, ætas virilis, anni tempus. Si à sanguinis fervore, subtilitate, & acrimonia, id venamur ex Hepatis caliditate, si nata ob tenuitatem & aquositatem, id sanguis qui emanat, manifestabit.

XXXVIII. Si genita ab infirmitate reentricis, tunc cætera quoque facultates ferè languent, & sanguis interpolatis vicibus effluit, isque non admodum copiosus: precessit etiam ut plurimum affectus aliquis, qui Hepar genusque venosum, enervavit.

XXXIX. Si διαπρήδισις in causa est huncque affectum produxit, sanguis quantitate paucus, stillatim guttatimque, qualitate vero tenuis & serosus profluere solet.

XL. Quantum vero ad ea signa, quæ distinguunt sanguinem criticè evacuaturn, à symptomatico? duo erunt præcipua. I. Tolerantia ipsius agri. II. Excretio humorum quæ proportionata est humoribus in corpore reditantibus.

XLI. Cum vero alius etiam in affectibus sanguis, vel aliquis humor excrementitius per sedem reiiciatur, quomodo hic affectus ab aliis discernatur, videndum.

XLII. Et primo quidem à fluxu Hepatico distinguitur, quod in illo semper adsit hepatis imbecillitas, & sanguificationis læsio, non idem in fluxu Hemorrhoidali.

XLIII. Deinde à Dysenteria differt, tum ratione situs doloris, tum ratione modi excernendi. In dysenteria enim semper adest dolor, isque in superioribus intestinis; seu supra rectum intestinum, in Hemorrhoidali non semper adest dolor, & si adest, est potius in fine recti intestini, & in ipso ano seu podice. In dysenteria etiam plerumque excernuntur ramenta primum & mucus intestina obliniens, donec exulceratio, eo usque penetraret, ut etiam venas mesaricas erodat, atque tum demum incipit sanguis excerni, isque vel muco, vel excrementis permixtus, in hoc vero fluxu, ab initio sanguis isque impermixtus pròdit, vel si etiam alia excrementa simul excernantur, istantum adheret, non autem permiscetur.

XLIV. Sequuntur **PROGNOSTICA**. Galenus lib. 9. meth. med. cap. 10. inquit, Enormes & immodica sanguinis per Hemorrhoides eruptiones, spiritus exhauriunt, calorem nativum penè extinguunt, concoctionem laedunt, decolorationem efficiunt, cruditates gignant, apoplexiam, paralytin, cachexiam, hydropem inducunt, imò totum corpus refrigerant, jecorisque ac ventriculi debilitatem summam adferunt.

XLV. Idem Comm. aphor. 22. sect. 2. ait, sanguis cum supramodum aut ex utero muliebri, aut ex venis quæ Hemorrhoidales vocantur, aut ex ulcere fluxerit, tunc vel omnes, vel plurimas operationes, quæ, qui ita affecti sunt, offensas habent.

XLVI. Aetius l. 15. c. 5. inquit, deformem & miseram vitam Hemorrhoidum nimium fluxum inducere, propter caloris solius vitiationem; miseram vitam, propter corporis debilitatem; & Gal. lib. 1. ad Glauc. cap. 14. & lib. 2. de prælag. expuls. cap. 4. testatur ex nimio Hemorrhoidum fluxu fieri, animi deliquia, pulsus vermiculares; imò præter dicta symptomata, mortem etiam consuevisse, quare idem sect. 4. aph. 15. ad fin. docet, evacuationi per Hemorrhoides, non esse naturam assuefaciendam, quoniam periculosus est excessus, sive supra modum sanguis excernatur, sive ex toto supprimatur.

XLVII. E contra magnas utilitates adfert hic fluxus, si
mode-

moderatus sit; & licet non instituti nostri ratio de ijs aliquid dicere in specie quæ secundum naturam fluant; tamen ex Hippoc. 6. Epid. com. 3. c. 37. lubet apponere hæc verba. Sanguifluis venis laborantes, neque morbo laterali, neque peripneumonia, neque phagedæna, neque inflammatiunculis, quæ dothiones vocantur, neque ijs qui terminthi, fortasse neque lepra, fortasse neque aque inter cutem, vel tabis impendet, & Aph. II. sect. 6. Melancholicis & Nephriticis, Hemorrhoides supervenientes bonæ sunt, & Aphor. 21. ejusdem sect. Insanis si varices & hemorrhoides supervenerint, morbi sit solutio.

XLVIII. *Supereſt ut de C V R A T I O N E aliquid dicamus, quæ pro varietate cauſarum, varia & multiplex exiſtere ſolet. Reſpiciendum autem hic eſt Primò, ad morbum unde fluor manat, qui vel eſt ἀναſτομωſις, vel διαρρεſις, vel διαπρήδνις. Secundò, ad ſanguinem qui effluit. Hic peccat vel in quantitate vel qualitate, vel motu. Tertio, ad ſymptomata, nimirum retentricem facultatem, & fluxum ſanguinis, ita enim aliquando imbecillis eſt atque infirma facultas retentrix, ut neque vaſa claudere, neque ſanguinem retinere valeat.*

XLIX. *Quapropter ſi hemorrhoides factæ ſint per ἀναſτομωſιν, oriſicia vaſorum claudenda ſunt, ſi per διαρρεſιν, glutinanda; ſi per διαπρήδνιν, contenſanda: perpetuò enim contraria contrariis opponenda: Si ſanguis peccat in quantitate, minuendus: ſi in qualitate, acri & calida, contemperandus & refrigerandus; ſi in tenui & aquoſa; incrassandus: ſi virtus retentrix debilis, corroboranda. Fluxus denique ipſius ſanguinis coercendus & compescendus ſi quidem ſit exormior, viresque deiciat, ægrumque enervat.*

L. *Divertunt autem ſanguinem, & à venis hæmorrhoidalibus avertunt, ſequentia. Primum venæ ſectio basilica brachij dextri, (attellantibus Alex. Maſſar. pr. I. 3. c. 24. Joh. Hier. Pulv. I. cit.) mature inſtituta, priuſquam vires deficient, & vicibus quidem iteratis. Guiliehm. Rondel. lib. 3. cap. 23. brevi interpoſito tempore, ter quaterve in die: ea namque ratione Natura alia via monſtra-*

monstratur, & ita sanguis à parte affecta avertitur & avocatur.

LI. Deinde cucurbitulæ leves Hypochondriis, imprimis vero sinistro appositæ (Laz. River. d. l.) cum scarificatione, profluvium enim egregiè retinent, illud præcipue quod ex ramo venæ portæ derivatur. Lumbis vero admotæ, efficaciter fluxum sistunt, quando ex venæ cavæ propaginibus duxerit originem, itemque non scarificatæ scapulis & mammis affigendæ.

LII. Tertio frictiones & ligaturæ dolorificæ partium superiarum. Epiphan. Ferdin. hist. 16.

LIII. Quarto per cauteria, (sed dextrè adhibita) hæc enim teste Hipp. de Hæmorrhoid. materiam fluentem revellere, fluxam citiùs atque validiùs consumere, partibusque robur addere possunt, quo nomine etiam à Græcis & Arabibus Medicis ferè omnibus commendantur, tamen cum vehementioris præsidij materia sint: ex levisculo errore, non rectè ad usum accommodata, plurimum damni afferre solent, meritò in suspicionem vocari poterunt. Vt enim videlicet in nimio hæmorrhoidalis fluxus excessu, cum fructu applicanda videantur. Verum uti in principio hujus Theses diximus si dextre adhibeantur illarum usum minime esse damnum.

LIV. Quintò Purgantia si non solum sanguis abundet, sed plethoræ etiam adjuncta sit cacochymia biliosa præsertim & serosa ea enim & vacuant, & revellunt. Usurpanda autem mitiora v. g. Manna, Tamarindi, Myrobalan. citrina, & Chebula. Rhabarb. Cassi. fistul. Syr. Rosar. & Viol. solutio. simpl. syr. de Cichor. cum Rhabarb. syr. è fl. persic. syr. de Rhabarb. &c. in Cacochymia vero phlegmatica Phlegmagoga ut. Agar. myrob. Chebul. mel rosat. solut. syr. de Agar & diaenicu. in Melancholica, melanagoga, sc. Sena. Epyth. myrob. ind. de coct. & syr. è sena.

LV. Revulsionum præsidij usurpatis; ad ea accedamus remedia, quæ sanguinis fluxum, vel manifesta, vel occulta qualitatè agentia, sistunt.

LVI. Manifesta qualitate sanguinem compescunt, vel refrigerando, vel incrassando, vel adstringendo, vel insarciendo, & obstruendo, vel denique urendo. Refrigerant sanguinem, Aq. Lactuc. portul. plantag. polygon. equiset. millefol. Endiv. semperviv. solan. sonch. epatic. &c. Julep. Rosar. violar. papav. nymph. Lactuc. Hyssan. cond. cichor. cond. Conf. viol. nymph. & quæ sunt hujus generis alia.

LVII. Vasa constringunt & occludunt Aq. ros. plantag. centinod. hippur. burs. past. portulac. acetos. fol. querc. torment. anserin. Cydonior. gland. fragor. Syr. acetos. citr. granat. acidor. ex succ. limon. auranc. acetos. berber. rib. uva immatura. sive agrest. Syr. cydon. fragor. portul. rosar. sicc. rubr. rub. idæ. Corallin. myrthin. Conserv. acetos. citr. acetos. ros. rubr. acetosell. berber. Ribesia condita, myrobal. cond. pyra moschetell. cond. Cyd. cond. Troch. de Ros. de spod. de Terra sigill. de carab. quæ materia similiter in julepos & electuaria aptari potest. Opiata quoque adhiberi possunt, sed non nisi summa urgente necessitate, sunt autem sequentia, Theriaca recens, Philon. requies Nicol. laudan. opiatum.

LVIII. Extrinsecus applicantur ex ordine eorum, quæ manifestis operantur qualitatibus, nimirum refrigerando, incrassando, reperiendo, aqua jam proposita, aut per se, aut cum succis & pulveribus mixta. Suffitum ano undique tecto, è sella perforata, excipiat, à concisis foliis verbasco. molari ignito lapidi injectis, excitatum, vel plantag. & verbasco. simul tus. ano admoveat, vel calendula tusa, succo porror. incocta. imponatur, quod pro singulari remedio habetur Reinero Solenandro conf. sect. 4. conf. 20. vel parari potest tale fomentum quod Martin. Ruland. laudat ex duobus saccis, alternatim calidè admotis, ex rubro panno conflatis, & glandibus contusis, ac quercus foliis repletis, & in forti aceto multum decoctis, quibus ocys fluxus consistit, vel cataplasma seq. R. Pil. ep. combust. Tel. arnearum tenuissim. alb. ovi misc. f. cataplasma. Lazar. River. l. 4. c. 10.

LIX. Ex ijs quæ occulta qualitate sanguinem cohibent,
C foris.

forisque applicantur, sunt crepitus Lup. Epiph. Ferd. jaspis cum sanguinis guttis Guilelm. Rondel. Stercus asini exsiccati, corallia rubr. lap. hemat. usnea. sive muscus ille, qui cranys hominum defunctorum innascitur, siccus & pulverisatus inspersus. Oleum de vermibus ijs, qui dicuntur aselli, pinguedo item anguilla, qua, dum affatur, extillat, proprietate quadam hic prodesse scribitur. Sed haec dicta sufficiant, plura poterunt legi hinc inde apud Practicos.

LX. Cum autem haecenus egerimus, de praesidijs Chirurgicis & pharmaceuticis, de Dieta ut breviter aliquid dicamus est necessum. Laborans itaque decumbat in conclavi nec calido nimis, nec etiam valde frigido: Is enim fluxum auget: hoc vero praecociter sistit; Cibus & potibus utatur vi adstringentibus, & in crassantibus praeclatis, a salsis, aromatizatis, & acris absterneat, vinum meracum vitet, hujus loco decocta, emulsiones & julepi parandi: animo & corpore quiescat, somno utatur iusto longiori, eo namque tempore omnes in universum evacuationes, exceptis solis sudoribus, sisti solent.

LXI. Cibi convenientes sunt sequentes; sorbitiones ex pulla affato confecta; pulmenta ex hordeo, oryza, similagine, parata; passilli ex mica panis; pedes & capita, Vervicum, vitulorum, aceto, vel succo limonum, aurantiorum, granatorum acidorum, condita, pulli turtures, pisces saxatiles. Denique ex oleribus sunt, Lactuca, Endivia, Portulaca &c.

LXII. Toto curationis tempore, pro potu ordinario, eger utatur aqua ferrata, vel decocto mille fol. a vino abstineat, uti superius dictum, & si maxime vino sit asuetus, bibat rubellum, aqua dilutum, prodest quoque emulsio amygdal. dulcium, & 4. sem. frig. major. cum decoct. hordei, passul. st. cordial. glycyrrhiz. & sem. coriandr. prepar. julepi confici poterunt ex aquis & syrupis supra enumeratis, decoctum idem Loti arboris, quod ad omnem fluxionem plurimi momenti semper fuisse fertur. Et haec sunt quae de materia praesenti scribere volui. Tibi alme DEVS sit laus honor & gloria in sempiterna secula.

COROLLARIA.

I.

Cauteria in fluxu Hæmorrhoidum sunt applicanda.

II.

Mulieres Hæmorrhoidibus laborant.

III.

Hæmorrhoides etiam alios humores præter melancholicum profundunt.

IV.

Hæmorrhoidum apertio menses non movet.

V.

Melancholicus humor non est causa lethargi.

VI.

Mammæ extenuatæ abortum prænuntiant.

VII.

Sanguis menstruus per se & in sua natura consideratus non est vitiosus.

VIII.

Partus octimestris non potest esse vitalis, septimestris contra.

IX.

In Puerpera febri correpta, à tempore partus, non vero à principio febris dies critici sunt numerandi.

X. Hæ-

X.

Hæmorrhoides non solum fæculentum sed & purum sanguinem evacuant.

XI.

Quæ cocta sunt, calidiora sunt crudis censenda.

XII.

Refrigeratio totius corporis, & mutatio coloris sunt signa cordis affecti.

XIII.

In principiis inflammationum repercutientibus medicamentis utendum non est.

QUis hoc putasset? sic frequenter audio
De te loquentes, Candidate plurimum
Dilecte, & ipse, tum Parentis optimi
Causa, ad gradum Doctoris aspirat cito
Schillingius, medicam scientiam tenens,
Quem sterile littus judicabant antehac.
O quam bene hoc factum! sinistram fallere
Opinionem: virtuosus actibus,
Bonis amicis gaudium; sed hostibus
Malis dolorem cum pudore gignere.
Qui solvit annos ante triginta, malo
Solido, reductione justa reddere
Tenetur è priore restans debito.
Sic perge, solidus ille, vix teruncium
Valiturus, ut rebantur, assis integri
Censebitur valore, nec reductio
Fiet, nisi illi, qui tibi obtrexaverat.

Amoris causa, affinitate juncta ita
gratulatur Dn. Candidato

Balthasar Scheid Theol. Candidatus,
Hebrææ Græcæque linguæ Prof.